



UPA 2014/48.1
15.05.2014
KL

Innuttaasuni utoqqaat amerligaluttuinnarnerat eqqarsaatigalugu utoqqarnik isumassuunitsinnut ilaatillugu utoqqarnut ininik neqerooruteqartarnerput siumut sammisooqquluugu ullutsinnut naleqquttooqqullugu utoqqarnut inissianut tunngatillugu suliassa qarfirmi pilersaarusiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasorta q Aqqaluaq B. Egede, Inuit Ataqtigiiit)

Inatsisartunut Ilaasorta q Aqqaluaq B. Egede isumaqtigaarput, nunatsinni utoqqarnut najugaqarfiusunik ineriartortitsinissaq aqqissuussamik ingerlanneqartariaqtoq, atuisussat tamakkiisumik naammaginnillutik atugaqarnissaannik qularnaarisuususaq.

Ullumikkumut atugassarititaasunit allaanerusunik piumasaqarutta, uagut qinikkat sallerlaalluta periaatsinik ileqquliunneqarsimasunik allannortitsisuussariaqarpugut. Utoqqaat najugaqarfii utoqqartatsinnut inissiivissaannartut isiginagit, pilluarluni naammaginnillunilu misigiffiunissaat anguneqartariaqarpoq.

Kiffaanngissuseqarluni inuuneq sungiusimasaq innarlernagu, utoqqaat najugaqarfiinni inuunerup nanginnerani atugassaqtartitaanissaq, utoqqartatta tamakkiisumik pisinnaatitaaffigisariaqaraat aalajangiunneqartariaqarpoq.

Sumiiffiit ilaanni atugassarititaasut naammaginarsisimagaluartut, sineriammi suli amerlasuuni naammaginanneqisunik najugaqarfeqartoqarpoq. Sulimi siumugasqarpugut utoqqartavut imminnut attuumassuteqanngikkaluarlutik najugaqtigii-tariaqartarnerinik ineeqqani anginngitsuni uffarfeqaratillu anartarfeqanngitsuni. Soorunami periarfissiissutit taama ittut ornigineqaratik tujormigineqartarput.

Kissaatigaarput Naalakkersuisut pilersaarummik saqqummiussinissaminni aamma qulaajaavigissagaat atugassarititaasut naammaginangitsut qanoq pilertortigisumik aqqiivigineqarsinnaaneri. Kommuninik avitseqateqarluni sanaartortarneq patsisigalugu uninngaartuortoqalersimassappat utoqqartattalu naammaginarnerusumik atugaqarsinnaannerannut kigaallassimaartitsisuulersimappat isumaqarpugut tamakua aamma ilanngullugit nalilerneqartariaqartut.

Nunarput siammasissumik inuuffiummat aamma periarfissat sumiiffinni assigiinngissinnaassaqsut ilisimavarput. Nunaqarfinni utoqqalisortatta aamma illersorsinnaassatsinnik aqqiissuteqarfignissaat siunnerfiusariaqarpoq.

Nunanut avannarlernut sanilliulluta ineqarnikkut utoqqartatsinnut pinninnerput ajorneroqaaq tamannalu aqqinneqartariaqarpoq.

Naalakkersuisut siunnersuummut itigartitsiniarnerat akerlilerneqartariaqarsoraar-

put. Ajornartorsiut tamatta aaqqiissuteqarfigerusutarput ilungersuullugu sulissutigi-
neqartariaqarmat ataatsimiitsitaliami susassaqartumi isummersorfigineqarluni
immersueqataaffigineqartariaqartoq isumaqarpugut.